

უკვე მეორე ბაფხულია საქართველოს საპატრიარქოს წარმომადგენლები ICSA-დამოუკიდებელ ბავშვთა და სტუდენტთა გაერთიანების საზაფხულო ბანაკებს სტუმრობენ და მოსწავლე-ახალგაზრდებს მათთვის აქტუალური და საინტერესო თემების შესახებ ესაუბრებიან



□ 15 ივლისს ICSA-ს 2020 წლის საზაფხულო ბანაკები ოფიციალურად გაიხსნა. 2020 წლის საზაფხულო ბანაკის გახსნასა და პირველი ნაკადის მიღებას ესწრებოდნენ საქართველოს საპატრიარქოს საზოგადოებასთან ურთიერთობის სამსახურის წარმომადგენლები - სამსახურის ხელმძღვანელის მოადგილე დეკანოზი გურამ ჭარელაშვილი და დეკანოზი დავით ტატანაშვილი.

□ სასულიერო პირებსა და მოსწავლე-ახალგაზრდებს შორის გამართულ შეხვედრაზე ისაუბრეს ისეთ აქტუალურ და მნიშვნელოვან საკითხებზე, როგორებიცაა - ძალადობის წინააღმდეგ ეკლესიის აქტიური კამპანია, ყოველდღიური ჩართულობა მომავალ თაობასთან ურთიერთობაში, განათლების მნიშვნელობა.

□ ყურადღება გამახვილდა თანამედროვე რეალობაში ძალადობის კონკრეტულ ფაქტებზე, ისაუბრეს ძალადობის პრევენციის საშუალებებზე როგორც საზოგადოების

სხვადასხვა წრის, ისე ეკლესიის მხრიდან.

☐ საინტერესოა, რომ ამ საკითხების შესახებ კითხვებს ძირითადად მოზარდები პასუხობდნენ, რადგან მათ უკეთ იციან, რეალურად რა პრობლემებია თანამედროვე ახალგაზრდებში, რა არის გამოსავალი და როგორ შეიძლება ჩაერთოს საზოგადოება და ეკლესია ამ პრობლემების მოგვარებაში.

☐ გარდა ამისა, ისაუბრეს საზოგადოებაში არსებულ მახინჯ სტერეოტიპებზე, გარკვეული წრეების მიერ მომავალ თაობაზე მავნე ზეგავლენის შესახებ. გამოიკვეთა, სად დგას ასეთ დროს ეკლესია და რა პოზიცია უჭირავს მას.

☐ საუბარი ასევე შეეხო განათლების აუცილებლობას. სასულიერო პირებმა განსაკუთრებულად აღნიშნეს ეკლესიის დამოკიდებულება განათლების მიმართ, – თუ როგორ ცდილობს ეკლესია, წაახალისოს და ხელი შეუწყოს მომავალ თაობაში წიგნიერებას, ცოდნის გავრცეებასა და მეცნიერების სხვადასხვა დარგისადმი ინტერესის აღძვრას.

☐ მნიშვნელოვანია, რომ სამსახურის ორგანიზებით, პროექტის ფარგლებში, მსგავსი შეხვედრები თვე-ნახევრის განმავლობაში ბანაკის თხუთმეტივე ნაკადთან გაიმართება და ორი სხვადასხვა სასულიერო პირი ახალგაზრდებს მათთვის საინტერესო და აქტუალური თემების თაობაზე ესაუბრება.

— [facebook.com/sazupatriarchate](https://www.facebook.com/sazupatriarchate)